

“TASDIQLAYMAN”

Xorazm viloyati
statistika boshqarmasi boshlig'i

“18” aprel 2025- yil

**Aholi turmush darajasi va ijtimoiy soha statistikasi
bo‘limi to‘g‘risida
NIZOM**

1-bob. Umumiy qoidalar

1. Mazkur nizom Xorazm viloyati statistika boshqarmasi Aholi turmush darajasi va ijtimoiy soha statistikasi bo‘limining (keyingi o‘rinlarda Bo‘lim deb ataladi) maqomi, asosiy vazifalari va funksiyalari, huquq va majburiyatlari, shuningdek, uning faoliyatini tashkil etish tartibini belgilaydi.

2. Bo‘lim O‘zbekiston Respublikasi Prezidentining 2025-yil 24-fevraldagi “O‘zbekiston Respublikasi Milliy statistika qo‘mitasi faoliyatini tashkil etish chora-tadbirlari to‘g‘risida” PQ-75-son Qaroriga muvofiq tashkil etilgan va Xorazm viloyati statistika boshqarmasi (keyingi o‘rinlarda boshqarma deb ataladi) tarkibiy bo‘linmasi hisoblanadi.

3. Bo‘lim o‘z faoliyatida O‘zbekiston Respublikasi Konstitutsiyasiga, O‘zbekiston Respublikasining “Rasmiy statistika to‘g‘risida”gi Qonuni va boshqa qonunlariga, Oliy Majlisning qarorlariga, O‘zbekiston Respublikasi Prezidenti Farmonlari, qarorlari va farmoyishlariga, Vazirlar Mahkamasi qarorlari va farmoyishlariga, Xorazm viloyati statistika boshqarmasi nizomiga, mazkur nizomga, shuningdek boshqa qonun hujjatlariga amal qiladi.

4. Bo‘lim aholi turmush darajasi va ijtimoiy soha masalalari bo‘yicha faoliyatini boshqarmaning tarkibiy bo‘linmalari, shuningdek, tumanlar va shaharlardagi mahalla fuqoralar yig‘inlari va hisobot topshiruvchi subyektlar bilan o‘zaro hamkorlikda amalga oshiradi.

5. Xalqaro darajada tavsiya etilgan Statistika ma‘lumotlarini ishlab chiqish jarayonlarining namunaviy modeli (GSBPM – The Generic Statistikal Business Process Model) talablarini milliy statistika tizimiga joriy qilish maqsadida barcha bosqichlarida bevosita va bilvosita ishtirok etadi.

6. Bo‘lim o‘z vakolatiga kiruvchi masalalar bo‘yicha boshqarma boshlig‘ining o‘rinbosariga bo‘ysunadi.

2-bob. Bo‘limning vazifalari va funksiyalari

7. Quyidagilar Bo‘limning asosiy vazifalari hisoblanadi:

a) *rasmiy statistika sohasida davlat siyosatini amalga oshirish, rasmiy statistikani rivojlantirish masalalari bo‘yicha faoliyatni milliy statistika tizimi doirasida muvofiqlashtirish, statistika uslubiyotlari va xalqaro tavsiyalarga muvofiq bo‘lgan statistika kuzatuvlari shakllarini ishlab chiqish, tasdiqlash va amaliyotga joriy qilish sohasida:*

Statistika dasturini, aholi turmush darajasi va ijtimoiy soha statistikasi bo‘limi bilan bog‘liq ishlarning reja-jadvali, Boshqarma rahbariyatiga aholi turmush darajasi va ijtimoiy soha statistikasi bo‘limi samaradorligini oshirish yuzasidan takliflar kiritish;

O‘zbekiston Respublikasi Milliy statistika qo‘mitasi tizimini rivojlantirishning maqsadli dasturlarini, O‘zbekiston Respublikasi Oliy Majlis palatalari qarorlari, O‘zbekiston Respublikasi Prezidenti Farmonlari, qarorlari va farmoyishlari, O‘zbekiston Respublikasi Vazirlar Mahkamasi qarorlari va farmoyishlarining ijrosini ta‘minlash yuzasidan joriy va istiqbol rejalarini tayyorlash ishlarida ishtirok etish;

statistika organlari faoliyatini takomillashtirish bo‘yicha takliflar tahlil qilish va ishlab chiqish, takliflarni amalda ro‘yobga chiqarishda ishtirok etish;

O‘zbekiston Respublikasining amaldagi qonun hujjatlarini yanada takomillashtirish bo‘yicha takliflarni (uy xo‘jaliklari kuzatuvlariga taalluqli rasmiy statistikasiga aloqador qismi bo‘yicha) tayyorlashda ishtirok etish;

makroiqtisodiy va hududiy darajalarda o‘rganilayotgan ijtimoiy-iqtisodiy jarayonlarning qamrovini kengaytirishga qaratilgan statistika ma‘lumotlarini yig‘ish va qayta ishlashning zamonaviy metodologiyasi va metodikalarini keng joriy etish yo‘li bilan statistik kuzatuvlar tizimini umum qabul qilingan xalqaro amaliyotga yanada moslashtirishni vakolati doirasida amalga oshirish;

aholi turmush darajasi va ijtimoiy soha statistikasi bo‘limiga oid tadqiqot ishlarini, shu jumladan xalqaro tashkilotlar tomonidan mamlakatlar reyting baholarini tuzish uchun foydalaniladigan axborot manbalarini o‘rganish, ular asosida shakllantiriladigan va tarqatiladigan statistik ko‘rsatkichlar tarkibini yaxshilash bo‘yicha takliflar berish;

b) *foydalanuvchilar ehtiyojlarini qanoatlantirishga qaratilgan iqtisodiy, demografik, ijtimoiy, moliyaviy, ekologik hamda boshqa xususiyatga ega dolzarb statistika ma‘lumotlarini yig‘ish, ularni qayta ishlash, umumlashtirish, tahlil qilish, tarqatish va saqlash jarayonlarini tashkil etish sohasida:*

aholi turmush darajasi va ijtimoiy soha statistikasi bo'limi uy xo'jaliklari kuzatuvlari bo'yicha so'rovlarni va boshqa kuzatuvlarni tashkil etish va o'tkazishni ta'minlash;

aholi turmush darajasi va ijtimoiy soha statistikasi bo'limi kuzatuvlari bo'yicha mamlakatdagi eng muhim ijtimoiy hodisa va jarayonlarning dastlabki statistik tahlillarini olib borish;

uy xo'jaliklari kuzatuvlari bo'yicha o'tkazilgan tanlanma kuzatuvlar natijalarining tezkorligi, ishonchliligi va xolisligini, statistik axborotlarning qulayligi, ochiq-oydinligi va oshkoraligini kengaytirish bo'yicha chora-tadbirlarning amalga oshirilishini ta'minlash;

ishonchli statistika ma'lumotlarini taqdim etishda uy xo'jaliklari respondentlariga har tomonlama ko'maklashish, statistik ma'lumotlarni taqdim etish sohasida huquqiy madaniyatni oshirishda ishtirok etish, statistik nazoratni amalga oshirishning zamonaviy usullarini joriy etish;

uy xo'jaliklari kuzatuvlari bo'yicha olingan statistika ma'lumotlarining maxfiyligi, davlat sirlariga ega bo'lgan statistika ma'lumotlarining himoya qilinishini ta'minlash;

umume'tirof etilgan xalqaro standartlarga muvofiq, statistik metama'lumotlar tizimini yaratish va rivojlantirish ishlarida ishtirok etish;

tavsiya etilgan xalqaro standartlar asosida statistikada sifatni boshqarish tizimini joriy etish va rivojlantirish;

d) xalqaro darajada umumqabul qilingan rasmiy statistikaning asosiy prinsiplari asosida sifatli va ishonchli statistika ma'lumotlarini shakllantirish, ularning shaffofligi va oshkoraligini oshirishga qaratilgan ta'sirchan mexanizmlarni amaliyotda qo'llash sohasida:

milliy va xorijiy foydalanuvchilarning keng ommasi uchun statistik axborotlarning maksimal darajada ochiq-oydinligi va oshkoraligini, respublikada uy xo'jaliklari kuzatuvlari bo'yicha ko'rsatkichlari va materiallarini xalqaro statistik tashkilotlar bilan hamkorlikni kengaytirishni ta'minlash;

uy xo'jaliklari kuzatuvlariga tegishli qismi bo'yicha respublika iqtisodiyotining rivojlanish holati, iqtisodiyotni rivojlantirish va isloh qilish bo'yicha O'zbekiston Respublikasi Prezidenti va O'zbekiston Respublikasi Vazirlar Mahkamasi tomonidan qabul qilingan qarorlarning amalga oshirilishi holati to'g'risidagi yillik va choraklik statistik va tahliliy materiallarni tayyorlash va belgilangan tartibda taqdim etish;

aholi turmush darajasi va ijtimoiy soha statistikasi bo'limi ma'lumotlari asosida ochiq statistik ma'lumotlarni statistika organlari, boshqa davlat organlari, xalqaro tashkilotlar nashrlarida joylashtirish yo'li bilan tarqatish va barcha foydalanuvchilarga statistik ma'lumotlardan foydalanish uchun teng imkoniyatlarni ta'minlash;

e) statistika ma'lumotlarini tayyorlash jarayonlarida raqamli texnologiyalardan keng foydalanish, o'z axborot tizimlarini rasmiy statistikaning boshqa tayyorlovchilari va ma'muriy ma'lumotlarni yetkazib beruvchilarning axborot tizimlari bilan o'zaro integratsiyasini ta'minlash sohasida:

raqamli texnologiyalardan foydalangan holda aholi turmush darajasi va ijtimoiy soha statistikasi bo'limiga oid statistik axborotlarni qayta ishlash, saqlash, umumlashtirish, tahlil qilish va chop etish, shuningdek, elektron hujjat aylanishi tizimlarini joriy qilish hamda ularni takomillashtirish;

internet-resurslarga joylashtirish yo'li bilan hamda so'rovlar bo'yicha aholi turmush darajasi va ijtimoiy soha statistikasi bo'limiga oid ko'rsatkichlar to'g'risidagi axborotlarni foydalanuvchilarga taqdim etish;

aholi turmush darajasi va ijtimoiy soha statistikasi bo'limi bo'yicha Statistika qo'mitasining ma'lumotlari asosida ommaviy axborot vositalarida tahliliy lavhalar, diagrammalar va grafiklarni keng namoyish qilish, statistik nashrlarga ko'rsatkichlarni vizuallashtirishning ilg'or usullarini joriy etish yo'li bilan alohida statistik ko'rsatkichlar to'g'risida aholini xabardor qilish bo'yicha choralarni ko'rish;

statistika kuzatuvlari va rasmiy statistika axborotlari masalalari bo'yicha axborot-tushuntirish ishlarini olib borish;

statistika ishlari dasturiga muvofiq sog'liqni saqlash, ta'lim, madaniyat, ijtimoiy muhofaza, turizm, fan va ilmiy-texnikaviy salohiyat statistikasiga oid ma'lumotlarni yig'ish, qayta ishlash, saqlash va nashr qilish;

ta'lim, sog'liqni saqlash, madaniyat, ijtimoiy muhofaza, turizm, fan va ilmiy-texnikaviy salohiyat statistikasi bo'yicha statistik ko'rsatkichlarning ishonchliligi, xolisligi, kompleksliligi va tizimligini ta'minlash;

ijtimoiy soha statistikasiga oid ma'lumotlarni elektron shaklda yig'ish, qayta ishlash, jamlash, saqlash va taqdim etishning yagona texnologik tizimini muntazam takomillashtirib borish;

jamlanma hisobotlar asosida olingan ma'lumotlarni birlamchi statistik tahlil qilish ishlarini amalga oshirish;

statistika ishlari dasturining tegishli bo'limlari ishlarini belgilangan muddatlarda va hajmlarda bajarilishini ta'minlash;

ijtimoiy statistika bo'yicha yakka tartibdagi statistika ma'lumotlarining maxfiylikini ta'minlash.

8. Bo'lim o'z zimmasiga yuklangan vazifalarni bajarish uchun quyidagi funksiyalarni amalga oshiradi:

rasmiy statistikadan foydalanuvchilarning ehtiyojlarini o'rganish natijalarini hisobga olgan holda rasmiy statistika sohasi rivojlanishining istiqbolli maqsadlari va yo'nalishlarini belgilaydi;

milliy statistika tizimiga statistika faoliyatini tashkil etishning xalqaro darajada tavsiya etilgan ilg'or uslubiyotlari va tavsiyalarini joriy etish yuzasidan zarur choralarni amalga oshiradi;

rasmiy statistikani rivojlantirishning ustuvor yo'nalishlarini rasmiy statistikaning boshqa tayyorlovchilari bilan birgalikda amalga oshirishda va statistika dasturlari doirasida ularning faoliyatini muvofiqlashtirishda ishtirok etadi;

xalqaro tavsiyalar, shu jumladan sifatni boshqarishning milliy modellari (GSIM, GSBPM, GAMS0) hamda xorijiy davlatlarning ilg'or tajribalarini joriy etishni ta'minlaydi;

rasmiy statistika sohasidagi ilg'or xorijiy tajribalarni o'rganish hamda xalqaro tavsiyalar asosida normativ-huquqiy hujjatlarni, shu jumladan, statistik ko'rsatkichlarni hisoblash uslubiyotlarini ishlab chiqish, tasdiqlash, joriy etish va takomillashtirib borish;

aholi turmush darajasi va ijtimoiy soha statistikasi bo'limi savolnomalarini qayta ishlash va tasdiqlatish, har xil turdagi kuzatuvlarni birlashtirish yo'li bilan optimallashtirish bo'yicha takliflar tayyorlash;

statistik instrumentariyni ishlab chiqish va takomillashtirish hamda sifatni boshqarish tizimini joriy etish jarayonida Boshqarma bo'linmalari bilan hamkorlik qilish;

Statistika dasturi hamda statistika dasturida aholi turmush darajasi va ijtimoiy soha statistikasi bo'yicha belgilangan ishlarning to'liq va muddatlarida bajarilishini ta'minlaydi;

O'zbekiston Respublikasi Milliy statistika tizimini rivojlantirish dasturlarini, rasmiy statistika faoliyatining joriy va istiqbol rejalarini, Boshqarma metodologik ishlari rejalarining amalga oshirilishida Bo'lim vakolati doirasida ishtirok etish;

aholi turmush darajasi va ijtimoiy soha statistikasiga oid statistika metodologiyalarini xalqaro standartlar va rasmiy statistika prinsiplariga, jamiyat

ehtiyojlariga, shuningdek, O'zbekiston Respublikasi qonun hujjatlariga mos kelishini ta'minlaydi;

hududiy statistika organlari tomonidan aholi turmush darajasi va ijtimoiy soha statistikasiga oid rasmiy statistika ma'lumotlarini taqdim etish tartibiga rioya etilishi yuzasidan monitoring o'rnatish, zarurat tug'ilganda joylarga chiqqan holda ijro intizomini o'rganadi;

Boshqarmaga taalluqli bo'lgan jismoniy va yuridik shaxslarning murojaatlari, shu jumladan elektron shakldagi murojaatlarning tegishli qismini ko'rib chiqadi va ulardagi masalalarni hal qilish bo'yicha, zarur hollarda jismoniy shaxslar va yuridik shaxslarning vakillari ishtirokida, takliflar tayyorlaydi;

Birlashgan Millatlar Tashkilotining Barqaror Rivojlanish Maqsadlari indikatorlarini o'rganadi va uni O'zbekiston sharoitlariga moslashtirish, statistik ma'lumotlarni yig'ish va avtomatlashtirilgan qayta ishlash jarayonlariga joriy etish bo'yicha takliflar tayyorlaydi;

aholi turmush darajasi va ijtimoiy soha statistikasi bo'limi sohasidagi ijtimoiy-iqtisodiy hodisalar, jarayonlar va ularning natijalari to'g'risidagi statistika axborotlarini yig'adi, qayta ishlaydi, to'playdi, saqlaydi, umumlashtiradi, tahlil qiladi va e'lon qiladi;

Statistika ishlari dasturiga muvofiq aholi sog'lig'ini saqlash, ta'lim, madaniyat, ijtimoiy muhofaza, turizm, fan va ilmiy-texnikaviy salohiyat statistikasi bo'yicha statistik kuzatuvlar o'tkazish, to'plash, qayta ishlash, saqlash va statistik ma'lumotlarni nashrga tayyorlash ishlarini tashkil etish;

Ijtimoiy statistika bo'yicha statistik ma'lumotlarning sifatini yaxshilash, ma'lumotlarni to'plash, qayta ishlash va umumlashtirishni takomillashtirish ishlarini olib borish;

Statistika qo'mitasininig aholi turush darajasi va ijtimoiy soha statistikasi boshqarmasi bilan hamkorlikda ijtimoiy soha holatini tavsiflovchi belgilangan ko'rsatkichlar ro'yxatiga asosan ma'ruzalar va statistik to'plamlar uchun, xalqaro tashkilotlar uchun, shuningdek, agentlik rahbariyati topshirig'i bo'yicha turli ma'lumotlarni tayyorlash;

aholi turmush darajasi va ijtimoiy soha statistikasi boshqarmasi bilan hamkorlikda hududiy statistika organlari tomonidan taqdim etiladigan ma'lumotlarning haqqoniyligini tekshirish;

Statistik ma'lumotlarni tayyorlash, saqlash va tarqatishda zamonaviy axborot texnologiyalarini joriy etish va ulardan foydalanish.

aholi turmush darajasi va ijtimoiy soha statistikasi bo'limi bo'yicha ko'rsatkichlarning ishonchliligini, xolisligini va kompleksligini ta'minlaydi;

davlat organlarini, yuridik shaxslarni, xalqaro tashkilotlarni va aholini statistika axborotlari bilan belgilangan tartibda ta'minlaydi;

Bo'lim belgilangan tartibda o'ziga yuklatilgan boshqa funksiyalarni ham amalga oshiradi.

3-bob. Bo'limning huquqlari va majburiyatlari

9. Bo'lim o'ziga yuklangan vazifalar va funksiyalarni bajarish uchun quyidagi huquqlarga ega:

Turmush darajasi statistikasi bo'yicha davlat va xo'jalik boshqaruvi organlaridan, fuqarolarning o'zini o'zi boshqarish organlaridan, banklardan, boshqa yuridik shaxslardan (zarur hollarda – ularning vakolatxonalarini va filiallaridan) belgilangan tartibda davlat statistika hisobotini olish hamda undan statistika maqsadlarida foydalanish;

Boshqarmaning tarmoq bo'limlaridan o'ziga yuklangan vazifalar va funksiyalarni bajarish uchun zarur materiallar va ma'lumotlarni belgilangan tartibda so'rash va olish;

Boshqarma rahbariyatiga aholi turmush darajasi va ijtimoiy soha statistikasi bo'limi hisobotlari va kuzatuvlarini samaradorligini oshirish yuzasidan takliflar kiritish;

rasmiy statistika sohasida me'yoriy-huquqiy bazani rivojlantirish va takomillashtirishda, statistik kuzatuvlar metodologiyasi va metodikasini ishlab chiqishda ishtirok etish;

Yuridik shaxslar va boshqa xo'jalik yurituvchi subyektlardan belgilangan hajmlarda va muddatlarda statistika hisobotlarini olish va statistik maqsadlarda foydalanish;

Bo'limga yuklatilgan vazifalarni bajarishda zarur bo'lgan ma'lumotlarni viloyat statistika boshqarmasining bo'limlaridan, tuman (shahar) statistika bo'limlaridan olish;

Bo'lim vakolatiga kiruvchi masalalar bo'yicha korxonalar va tashkilotlar vakillari bilan o'zaro hamkorlikda ish olib borish.

statistika dasturiga asosan statistika ishlarini o'z muddatlarida bajarilishini ta'minlash;

Bo'limning vakolatiga kiradigan masalalar bo'yicha Boshqarmaning bo'limlari bilan yo'riqnoma berish bo'yicha yig'ilishlar o'tkazish;

aholi turmush darajasi va ijtimoiy soha statistikasi bo'limi hisobotlari va kuzatuv shakllarining to'liqligini ta'minlash, yig'ish bo'yicha chora-tadbirlar ishlab chiqish;

Bo'lim faoliyatiga tegishli masalalar bo'yicha konferensiyalar, seminarlar va yig'ilishlarda ishtirok etish.

10. Bo'lim quyidagilar uchun majbur:

o'ziga yuklatilgan vazifalarni lozim darajada va samarali bajarish;
vakolatiga kiruvchi tahliliy va boshqa materiallarni yuqori darajada tayyorlash;

statistikasi tamoyillariga amal qilish, ilg'or xalqaro amaliyotga muvofiq foydalanilayotgan usullar va metodikalarni doimiy ravishda takomillashtirish;

Bo'lim statistikaning yagona ilmiy uslubi asosida statistik ma'lumotlarning sifatligini yo'lga qo'yish va oshirishga, statistik, tahliliy va o'z vakolati doirasidagi boshqa materiallarning saviyasiga javobgardir.

Bo'lim xodimlari hisobot taqdim etuvchilarning yakka tartibdagi ma'lumotlarining maxfiyligini ta'minlashga, kelib tushuvchi va chiquvchi materiallar bo'yicha davlat va tijorat sirlarini saqlashga javobgardir.

Bo'lim xodimlari tomonidan me'yoriy-huquqiy hujjatlarga muvofiq ijro intizomini ta'minlash.

4-bob. Bo'limning tuzilmasi

11. Bo'lim tarkibiga bo'lim boshlig'i, bosh mutaxassis, yetakchi mutaxassis va mutaxassislar kiradi:

Bo'lim ishiga bo'lim boshlig'i rahbarlik qiladi.

12. Bo'lim boshlig'i, bosh mutaxassis, yetakchi mutaxassis va mutaxassislar Boshqarma boshlig'i tomonidan lavozimga tayinlanadi va lavozimdan ozod qilinadi.

Statistika dasturida belgilangan tartibda va muddatlarda aholi turmush darajasi va ijtimoiy soha statistikasi hisobotlari va kuzatuvlari natijasidagi ko'rsatkichlar va hududlar rivojlanishining sabablari va omillarini yoritib beruvchi zamonaviy statistik tahlil usullaridan foydalangan holda yillik va choraklik axborotlarni, hisobotlarni tayyorlash, chop etish va foydalanuvchilarga yetkazish;

uy xo'jaliklari tanlanma kuzatuvlari hamda aholi farovonligi darajasini hisoblashning metodologik va matematik qo'llab-quvvatlash, tanlov sifati monitoringini amalga oshirish, xalqaro tajribalarni o'rgangan holda tavsiya etilayotgan yangi usullarni joriy etish bo'yicha takliflar ishlab chiqish;

iqtisodiyot tarmoqlari, ijtimoiy soha va hududlarni rivojlantirish uchun qabul qilingan Statistika dasturi bajarilishi bo'yicha taqdim etiladigan tahliliy ma'lumotlarni tayyorlash;

aholi turmush darajasi va ijtimoiy soha statistikasi ko'rsatkichlari faoliyati uslubiyatlarini takomillashtirish masalalari bo'yicha takliflar ishlab chiqish;

aholi turmush darajasi va ijtimoiy soha statistikasiga oid axborotlarni elektron shaklda taqdim etish va elektron hujjat aylanishi tizimini joriy qilish ishlarini tashkil etish, bu yo'nalishda hududiy statistika organlari faoliyatini muvofiqlashtirish;

Xorazm viloyati hududidagi muassasalar va tashkilotlarda statistika ma'lumotlarining ishonchliligi va to'liqligini belgilangan tartibda tekshirish, statistik hisobot ko'rsatkichlarida buzilishlar aniqlangan taqdirda ularni bartaraf etish to'g'risida ko'rsatmalar berish va statistika ma'lumotlariga tegishli tuzatishlar kiritish;

zamonaviy axborot texnologiyalaridan foydalangan holda, aholi daromadlari va uy xo'jaliklari kuzatuvlari asosiy ko'rsatkichlarining takomillashtirilgan ma'lumotlar bazasini yuritish;






axborot-tushuntirish ishlarini o'tkazgan holda hisobot topshiruvchi subyektlar va respondentlar bilan o'zaro hamkorlik qilish.

Bo'lim boshlig'i:



L. Djabbarova

Mazkur nizom bilan tanishdim va uni bajarish majburiyatini olaman:

 (imzo)	<u>Djabbarova Lola</u> (ismi, otasining ismi va familiyasi)	<u>18.04.2025</u> (sana)
 (imzo)	<u>Atayeva Kurnush</u> (ismi, otasining ismi va familiyasi)	<u>18.04.2025</u> (sana)
 (imzo)	<u>Umarova Dunoyza</u> (ismi, otasining ismi va familiyasi)	<u>18.04.2025</u> (sana)
 (imzo)	<u>Pisunova Hojotam</u> (ismi, otasining ismi va familiyasi)	<u>18.04.2025</u> (sana)
 (imzo)	<u>Kopulov Ogurbek</u> (ismi, otasining ismi va familiyasi)	<u>18.04.2025</u> (sana)
 (imzo)	<u>Jaibonova Hojuz</u> (ismi, otasining ismi va familiyasi)	<u>18.04.2025</u> (sana)
 (imzo)	<u>Yuldasheva Madina</u> (ismi, otasining ismi va familiyasi)	<u>18.04.2025</u> (sana)
 (imzo)	<u>Kyrbekov Bekardak</u> (ismi, otasining ismi va familiyasi)	<u>18.04.2025</u> (sana)
 (imzo)	 (ismi, otasining ismi va familiyasi)	 (sana)